

ISUMALIUTISSIISSUT

Ilinniartitaaneq sorleq, assassornikkut atuagarsornikkullu Inuit Kulturitoqqarput pillugu ilinniartitsiviusinnaasutut piukkunnarnerullunilu ukkatarinnilluarnerusinnaanersoq pillugu Naalakkersuisut misissueqqullugit peqquneqarnissaannik inatsisartut aalajangiiffigisassaattut siunnersuut. Misissuinermittaaq ersarissarneqassaaq ilinniareernerup kingorna, ingerlariaqqiffiusumik ilinniaqqinnissamut, suliffissaqarnikkullu periarfissat suusinnaaneri, nunanik allanik suleqateqarnikkut periarfissat, aningaasatigullu kingunerisinnaasai, iluaqutissat ajoqutissallu, kiisalu ilinniagaqarfimmuut pioreersumuut ilinniartiffissap inissinneqarsinnaaneranut periarfissanut tunngasut ilanngullugit misissorneqassallutik. Misissuinerup inerneru kingusinnerpaamik UKA2021-mi Inatsisartunut agguanneqareersimassaaq.

Inatsisartunut ilaasortaq Peter Olsen, Inuit Ataqtigiit

pillugu

**Ilinniartitaanermut, kultureqarnermut, Iisimatusarnermullu Ilageeqarnermullu
Ataatsimiititaliap**

siunnersuutip aappassaaneerpeqarneranut

ISUMALIUTISSIISSUTAA

Suliarinninnermi ataatsimiititaliaq ukuninnga inuttaqarpoq:

Inatsisartunut ilaasortaq Nivi Olsen, Demokraatit, siulittaasoq
Inatsisartunut ilaasortaq Peter Olsen, Inuit Ataqtigiit, siulittaasup tullia
Inatsisartunut ilaasortaq Erik Jensen, Siumut
Inatsisartunut ilaasortaq Sofia Geisler, Inuit Ataqtigiit
Inatsisartunut ilaasortaq Doris Jakobsen Jensen, Siumut

UKA2020-mi ulloq 17. november 2020 siullermeerinninnerup kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Siunnersuutikkut matumuuna misissuisoqarnissaa siunnersuuteqartumik kissaatigineqarpoq. Ileqquusumik inuit kulturiinik misissuinermik imaqassaaq, ilinniakkamik naammassisaqareernerup kingorna ilinniaqqinnerit aamma suliffeqalernissamut ilimanaatillit tamatumunnga ilanngullugit misissorneqassallutik. Misissuinerup ilanngullugu imarissavaa

ilinniarnep sumut inissinneqarnissaanut periarfissat, nunat suleqatigineqarsinnaasut aamma tamatumunnga pitsaaqutit ajoqutaasinnaasullu ilanngullugit. Misissuinerup inerneru kingusinnerpaamik UKA 2021-mi Inatsisartunut agguanneqareersimassapput.

2. Siunnersuutip Inatsisartuni siullermeerneqarnera

Siunnersuut siullermeerneqarnermini tigulluarneqarpoq. Inuit kulturianni kulturikkut oqaluttuarisaanermilu attaveqaatit pingaartinneqarnissaat amerlanerussuteqartunit isumaqatigineqarpoq. Inuit kulturiat kalaallit nunaannut sunniisimasoq aammalu ullumikkut inuigaqatigiinnik tunngaviliisimasoq naapertorlugu ilinniartitsineq kulturilu qanoq inuit kulturiannut ilanngunneqarsinnaanersoq pillugu misissuisoqarnissaa pitsaasutut isigineqarpoq.

3. Siunnersuutip ataatsimiititaliamit suliarineqarnera

Ileqqusumik inuit kulturiata tammatsaalineqarnissaa pingaaruteqarmat qularutissaanngilaq. Tamanna anguniarlugu arlalinnik periarfissaqarpoq. Kulturit kalaallit nunaannut tunngassuteqartut tunuliaqutaralugit qanoq ilinniakkamik pilersitsisoqarsinnaanersoq misissuineru kulturi pigeriigaput aammalu siulitta ingerlaannarnisaannut qulakkeerinnittoq illersorsinnaavarput.

Ullumikkut Sisimiuni kalaallit inuiaassutsimikkut atisaannik sananermut ilinniarfusinnaasumik Kalaallisuuliornermut ilinniarfeqarpoq, tamatumunnga ilanngullugu ammerineq aamma ulup atornissaa ilinniarnepartarlutik. Unammilligassarli tassaavoq amerlasuut ilinniakkaminnik naammassereerneru kingorna suliffissamik nassaarnej ajormata. Siunnersuut manna akuerineqassappat ilinniakkat naammassineqareerneratigut ilinniarsimasap qanoq atorneqarnissaa Naalakkersuisunit immikkut eqqumaffigineqarnissasoq ataatsimiititaliamit kaammattuutigineqarpoq.

Ilinniareernerup kingorna kulturikkut suleriaatsit assigiinngitsut qanoq atorneqarsinnaanerisa nalilersorneqarnissaat ataatsimiititaliamit pingaartutut isigineqarpoq. Pingaaruteqarlunnarpoq misissussallugu, ilinniareernerup kingorna ilaatigut qaanniornepumt umialiornermut, inngerneru, aamma mersorneru ilinniakkat qanoq atorneqarsinnaanersut, taamaaliornikkut ilisimasat ilikkakkallu ilinniartut pigilersimasaat sulineru atorneqarsinnaaqqullugit inuiaqatigiinnilu ineriartorneru peqataasinnaaqqullugit.

Kulturikkut sakkussat pitsaalluinnartut, suleriaatsit oqaluttuallu nunatsinnik ineriartortitsisut atorlugit Inuit kulturiata inuttut ataasiakkaatut qanoq nukittorsarsinnaaneratigut aammalu nunarput qanoq ineriartortinneqarsinnaasooq aalajangiiffigisassatut siunnersuutikkut misissorneqarsinnaasooq ataatsimiititaliamit isumaqarfigineqarpoq.

Taamaattorli misissuineru piffissaliunneqartup sivikinnerata erseqqissaatigineqarnissaa

ataatsimiititaliamit kissaatigineqarpoq. Ileqqoq naapertorlugu inuit kulturiata ilinniarneqarsinnaaneranut periarfissat peqqissaartumik misissorneqarnissaat ataatsimiititaliamit kissaatigineqarmat, misissuineranut ukioq ataaseq atorneqartariaqartoq ataatsimiititaliamit nalilerneqarpoq.

4. Siunnersuutip aningaasatigut kingunerisassai

Aalajangiiffigisassatut siunnersuutip piviusunnngortinneqarnerani aningaasatigut allaffissornikkullu kingunerisassat siunnersuutip tunngavilersorneqarnerani ilanngunneqartussaeneri Inatsisartut suleriaasianni § 33, imm. 1,-mi allassimavoq.

Siunnersuutip piviusunnngortinneqarnerani tamatumunnga naapertuuttumik aningaasatigut kingunerisassat allassimasut ataatsimiititaliamit maluginiarneqarpoq. taamaalilluni siunnersuutip piviusunnngortinneqarnerani aningaasannngorlugit 500.000 kr.-nik naleqassaaq. Tamatumunnga ataatsimiititaliaq oqaaseqaatissaqanngilaq.


5. Ataatsimiititaliap inassuteqaataa

Siunnersuut amerlanerussuteqarfigineqartoq ataatsimiititaliamit paasineqarpoq, taamaattorli taasissutissartaani UKA2021-mut killiliisimaneq sivikippallaartutut isigalugu, taamaattumik Inatsisartunut agguassinissap killilerneqarsimanera UPA2022-mut sivitsorneqarnissaa pissusissamisoortutut isigineqarpoq.

Tamanna tunngavigalugu ataatsimiititaliap isumaqatigiittup allannguutissatut siunnersuut manna saqqummiuppaa:

Ilinniartitaaneq sorleq, assassornikkut atuagarsornikkullu Inuit Kulturitoqqarput pillugu ilinniartitsiviusinnaasutut piukkunnarnerullunilu ukkatarinnilluarnerusin-naanersoq pillugu Naalakkersuisut misissueqqullugit peqquneqarnissaannik inatsisartut aalajangiiffigisassaattut siunnersuut. Misissuinermittaaq ersarissarneqassaaq ilinniareernerup kingorna, ingerlariaqqiffiusumik ilinniaqqinnissamat, suliffissaqarnikkullu periarfissat suusinnaaneri, nunanik allanik suleqateqarnikkut periarfissat, aningaasatigullu kingunerisinnaasai, iluaqutissat ajoqutissallu, kiisalu ilinniagaqarfimmuut pioreersumut ilinniartissap inissinneqarsinnaaneranut periarfissanut tunngasut ilanngullugit misissorneqassallutik. Misissuinerup inerneru kingusinnerpaamik UPA2022-mi Inatsisartunut agguanneqarsimassaaq


Taamatut oqaaseqarluni isumaliutissiissummilu allassimasutut paasinnilluni matumuna siunnersuut ataatsimiititaliamit aappassaanniigassanngortinneqarpoq.




Nivi Olsen
Siulittaasoq




Peter Olsen
Siulittaasup tullia



Sofia Geisler



Doris Jakobsen Jensen



Erik Jensen